

PR VALUE: RM 10,000.00

NEWS CLIPPING - PRESS

CLIENT: DSA EXHIBITION AND CONFERENCE

PUBLICATION: KARANGKRAF.COM SECTION: BERITA

DATE: THURSDAY, 18 FEBRUARY 2016 PAGE NO.: 1 OF 1

CIRCULATION: ONLINE FREQUENCY: ONLINE

HEADLINE: MALAYSIA SETUJU GUNA PENDEKATAN ARAB SAUDI PERANGI IS



Malaysia setuju guna pendekatan Arab Saudi perangi IS



Menteri Pertahanan Datuk Seri Hishammuddin Tun Hussein menjawab pertanyaan media selepas mendengar taklimat pertama persiapan pameran Defence Services Asia (DSA) di Wisma Pertahanan hari ini. - Foto Bernama KUALA LUMPUR - Malaysia bersetuju menggunakan tiga pendekatan Arab Saudi dalam memerangi Daeshtermasuk mengenal pasti sumber kewangan kumpulan pengganas itu, kata Menteri Pertahanan Datuk Seri Hishammuddin Tun Hussein.

Selain itu, katanya, Malaysia sedia menggunakan pendekatan negara itu bagi mengenal pasti ideologi propaganda Daesh dan peranan media sosial dalam merekrut anggota kumpulannya.

"Ini merupakan hasil perbincangan saya bersama-sama rakan sejawatan Putera Mahkota Arab Saudi Muhammad bin Salman baru-baru ini.

"Pendekatan itu merupakan satu daripada inisiatif kerajaan dalam mengekang penyebaran Daesh, yang kini menjadi kebimbangan dunia," katanya kepada pemberita selepas menghadiri taklimat Persidangan dan Pameran Perkhidmatan Pertahanan Asia (DSA) 2016 di Wisma Pertahanan di sini, hari ini.

Bagaimanapun, katanya, Malaysia menolak pendekatan ketenteraan yang digunakan oleh Arab Saudi.

Pada 27 Januari lepas, Malaysia dan Arab Saudi menandatangani memorandum persefahaman (MoU) bagi mengukuhkan kerjasama pertahanan terutama dalam bidang sains, teknologi dan industri.

MoU itu ditandatangani Hishammuddin dan Muhammad bin Salman semasa lawatan kerja Hishammuddin ke negara itu. - Bernama